

BOSNA I HERCEGOVINA  
Federacija Bosne i Hercegovine  
TUZLANSKI KANTON  
OPĆINA SAPNA  
Općinski načelnik

Broj: 01-30-3-1485/22  
Sapna, 31.10.2022. godine

Na osnovu člana 72. Zakona o državnoj službi u Tuzlanskom kantonu („Službene novine Tuzlanskog kantona, broj: 7/17, 10/17, 10/18, 14/18, 8/21 i 14/22), člana 41. Statuta općine Sapna („Sl.glasnik općine Sapna“, broj 6/07, 8/09 i 3/12) i Odluke Općinskog načelnika br: 01-30-1481/22 od 28.10. 2022. godine, Općinski načelnik, objavljuje

### **INTERNI OGLAS za prijem namještenika u radni odnos na neodređeno vrijeme**

**1. Viši samostalni referent za komunalne poslove.....1 izvršilac**

#### **Opis poslova:**

- prikuplja i obrađuje podatke za utvrđivanje činjeničkog stanja na terenu o čemu sačinjava zapisnik, službene zabilješke, foto dokumentaciju, uzima predmete s javnih površina i druge dokaze koji mogu poslužiti za daljnji postupak vođenja inspekcijskog nadzora i izricanje prekršajnih naloga ili podnošenje prekršajne prijave;
- obavlja poslove kontrole provođenja komunalnog reda prema Odluci o komunalnom redu i drugim propisima iz komunalne oblasti i zaštite okoliša;
- pomaže komunalnom inspektor u vršenju inspekcijskog nadzora i izvršenju Rješenja; upozorava pismeno i usmeno pravne i fizičke osobe na ponašanja u skladu sa propisima i uputama komunalnog inspektora i drugih nadređenih;
- radi na izradi uvjerenja iz službene evidencije i uvjerenja o činjeničnom stanju iz oblasti komunalne djelatnosti;
- vodi registar ulica i kućnih brojeva i prati postavljanje tablica naziva ulica i kućnih brojeva
- kontrolira pravilno odlaganje otpada i drugih otpadnih materijala na javnim i drugim površinama, protupravno postavljanje predmeta i napuštenih vozila na javnim površinama;
- obavještava pomoćnika općinskog načelnika i inspektora o izvršenom uvidu nad: održavanjem, uređenjem, upotrebom i zaštiti komunalnih objekata i uređaja, održavanjem i zaštiti javnih površina;
- obrađuje zahtjeve za izdavanje saglasnosti za priključak na komunalnu infrastrukturu,
- prati parkiranje i ostavljanje vozila na zelenim javnim površinama, prati stanje lokalnih nekategorisanih cesta, održavanje septičkih i osočnih jama, odvoz kućnog otpada i drugog komunalnog otpada, kao i građevinskog otpadnog materijala, održavanje posuda (kontejnera) i uličnih korpi za otpad, prati zauzimanje javnih površina za prodaju roba i prodaju robe van prostora ili mjesta određenog za prodaju te vrste robe;
- pomaže komunalnom inspektor u praćenju provedbe Programa zajedničke komunalne potrošnje (ZKP),
- vodi evidenciju o izvršenim pregledima na terenu i podnosi izvještaj o radu;
- izrađuje godišnje i mjesečne planove rada i izvještaje o radu,
- obavlja i druge poslove koji se odnose na ovo radno mjesto, kao i druge poslove po nalogu pomoćnika načelnika, Općinskog načelnika i komunalnog i sanitarnog inspektora,

**Opći uslovi utvrđeni u članu 76. Zakona o državnoj službi u Tuzlanskom kantonu:**

- da je državljanin Bosne i Hercegovine;
- da je stariji od 18 godina;
- da je zdravstveno sposobno za obavljanje poslova utvrđenih za radno mjesto;
- da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji organa državne službe;
- da u posljednje dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini;
- da nije obuhvaćeno odredbom člana IX 1. Ustava Bosne i Hercegovine;

**Posebni uslovi propisani Pravilnikom o unutrašnjoj organizaciji:**

- VŠS/VI stepen stručne spreme, ekonomskog, pravnog ili drugog društvenog smjera
- položen stručni ispit za namještenike za rad u organima državne službe,
- najmanje 1 godina radnog staža u struci nakon završene VŠS,
- položen vozački ispit „B“ kategorije

**Potrebna dokumentacija:**

Na interni oglas kandidati trebaju priložiti sljedeće dokumente (originali ili ovjerene fotokopije):

- prijava sa kratkom biografijom (svojeručno potpisana) i kontakt podacima,
- diploma o traženoj školskoj spremi,
- uvjerenje o državljanstvu,
- izvod iz matične knjige rođenih,
- dokaz o potrebnom radnom stažu,
- dokaz da je kandidat u radnom odnosu u organu državne službe na dan objavljivanja oglasa,
- dokaz o položenom stručnom ispitu za namještenike u organima državne službe,
- uvjerenje od organa državne službe u kojem kandidat radi da u posljednje dvije godine od dana objavljivanja oglasa nije otpušten iz državne službe kao rezultat disciplinske kazne na bilo kojem nivou vlasti u Bosni i Hercegovini,
- ovjerena izjava kandidata da nije obuhvaćen odredbama člana IX 1. Ustava Bosne i Hercegovine,
- dokaz o posjedovanju vozačke dozvole „B“ kategorije.

Pravo prijave na interni oglas imaju i namještenici organa državne službe koji su stekli najmanje VII stepen stručne spreme ili visoko obrazovanje najmanje prvog ciklusa Bolonjskog sistema studiranja i koji imaju najmanje pet godina radnog iskustva u organima državne službe nakon položenog stručnog ispita za namještenike u organu državne službe (član 49. stav (2) Zakona o državnoj službi u Tuzlanskom kantonu („Službene novine Tuzlanskog kantona, broj: 7/17, 10/17, 10/18, 14/18, 8/21 i 14/22)). U ovom slučaju namještenici su pored dokaza koji se traže oglasom dužni dostaviti i diplomu o stečenom VII stepenu stručne spreme ili visokom obrazovanju najmanje prvog ciklusa Bolonjskog sistema studiranja i uvjerenje o radnom iskustvu u trajanju od najmanje 5 godina u organima državne službe nakon položenog stručnog ispita za namještenike.

Izabrani kandidat je dužan dostaviti ljekarsko uvjerenje o zdravstvenoj sposobnosti prije stupanja na rad

**2. Rok trajanja internog oglasa i adresa za podnošenje prijava:**

Prijavu na interni oglas sa dokazima o ispunjavanju uslova dostaviti u roku od 8 dana od dana objavljivanja internog oglasa preporučeno putem pošte ili neposredno na adresu:

Općina Sapna, Ul. 206 viteške brigade BB, 75411 Sapna  
sa naznakom: („Prijava na Interni oglas za prijem namještenika u radni odnos na  
neodređeno vrijeme – NE OTVARATI“).

Nepotpune, neuredne i neblagovremene prijave neće se uzeti u razmatranje.

PRAVO PRIJAVE NA INTERNI OGLAS IMAJU NAMJEŠTENICI ORGANA DRŽAVNE  
SLUŽBE SVIH NIVOVA VLASTI NA TUZLANSKOM KANTONU KOJI ISPUNJAVAJU  
USLOVE ZA OBAVLJANJE POSLOVA RADNOG MJESTA ZA KOJE SE PRIJAVLJUJU



**OPĆINSKI NAČELNIK**

Zudin Mahmutović